

մանն . զի 'ի նմին ժամանակի նոքա եւս ամբաստան լեալ էին՝ թէ աղարակն սահմանափակ 'ի չորից կողմանց՝ է 'ի կալուածոց Շէյխ Ահմէտ Տէճէնեայ : Սակայն փոխանորդք երկց ազգաց հաստատեցին յայնժամ՝ թէ տեղիքն այնքբիկ գերեզմանատուն է քրիստոնէից՝ յաւուրց անտի Մէլիք Սալահատտինի և Սէլիմայ Արքայի, զորս թողին 'ի ձեռս քրիստոնէից լինիլ սեփհական գերեզմանատուղի, և Արքայն Սէլիմ շնորհեաց զպատճէն Կայսերական տուժարին , եւ մինչեւ ցայսօր թաղեն նոքա անդ զմեռեալս , եւ արին առաջի որդւոց և ժառանգաց Շէյխ Ահմէտ Տէճէնեայ առանց խռովութեան : Ապա մատուցին զպատճէն Կայսերական տուժարին և զայլ գրեանս , և ասեն . Առաջին դատաւորք ոչ գտին 'ի ձեռս նախնեաց ձերոց մուրհակս ինչ , զի ամբաստանութիւնք ձեր յառաջանային յատելութենէ և 'ի հակառակութենէ , որոյ վասն արգիլեալ 'ի բաց մերժէին զնոսա յատենէ՝ եւ տային 'ի ձեռս քրիստոնէից զիր 'ի դատարանէ , նմին իրի ոչ եղև խռովութիւն ինչ մինչեւ ցայսօր , իսկ դուք ամբաստանողքք ոչ կարէք մատուցանել մուրհակ և զիր օրինաւոր :

Եւ 'ի խնդրել դատաւորին վկայս 'ի քրիստոնէից , մատուցին նոքա զարս չորս 'ի նոյն իսկ յայլազգեաց Սիոնի , որք և ասէին թէ՝ տեղիքն այնքբիկ գերեզմանատունք են քրիստոնէից : Ապա արգել զհակառակորդսն , խելամուտ արար զնոսա 'ի վաւերական գրոց , և թէ վէճն ընդդէմ է նախնեաց իւրեանց : Եւ նոքա ծանեան զիրաւունս քրիստոնէից , և 'ի բաց կացին 'ի դատաստանէ իւրեանց , եւ խոստովան եղեն յատենի անդ . թէ որդիք Տէճէնեայ չունին այսուհետեւ իրաւունս 'ի վերայ գերեզմանատանց քրիստոնէից , եւ դատաւորն 'ի գրի եհար զայս դատաստան և ետ ցփոխանորդն Հայոց , 1172 (1731) :

Իսկ Յակոբ եպիսկոպոս 'ի գալստեան Եազուպ աղայի արարեալ էր նմա եւ ընտանեաց նորին ընդունելութիւն մեծ , ընկալեալ զնոսա մեծաւ փառօք ըստ արժանաւորութեան նոցին : Եւ 'ի միջոցի աստ սիրելի եցոյց զինքն Յակոբ Եազուպայ եւ բազում ինչ խօսեցաւ ընդ նմա . և ազաչեաց զնա դարձուցանել զինքն 'ի Պատրիարքութիւն Կոստանդինուպօլսոյ . զի կարի տաղալիացեալ էր յերեսաց